

DE SVCCINO

peccati, sed etiam in horrendas pœnas. De huius pulcherrimæ imaginis deformatione & maculis, quibus sapientia & beneficentia Dei est obscurata, quid tristius cogitari potest?

Tota natura rerum nostram vicem dolere, ac quodammodo nobiscum gemere conspicitur. Defigentes enim oculos ad hoc bitumen (ex quo succinum nascitur) vmbra deformatæ istius picturæ inuenimus. Materia ista nobilissimus terræ succus est, viribus haud absimilis balsamo, odorē suauem & fragrantem spirans: haud dubiè in humanum vsum conditus ideo, vt sua virtute & admiratione nobis archetypi imaginem in mentē reuocaret, & de beneficentia ipsius cōmonefaceret: quod certè non facit, sed ab ista sua functione, vt ita dicam, recedit, cum nusquam hætenus in totâ Prussia istius bituminis fontes vel scaturigines, in conspectum nostrum prodierint, aut è terra erupisse visæ sint.